

COMUNICÂT STAMPE

COMUN DI UDIN CUEL DAL CJISTIEL DI UDIN



GNÛF REPERTS DAI SGJÂFS PAL ASSENSÔR

Tal mês di Otubar a son scomençâts i sgjâfs archeologjics sul cuel dal Cjistiel, propedeutics ai lavôrs di realizazion dal assensôr comissionâts dal Comun di Udin. Lis indagjins fin cumò a vevin permetût di individuâ i rescj di un edifici rinassimentâl poderôs e di une piçule abitazion di epoche precedente, e i ultins aprofondiments a àn fat discuvierzi ancje diviersis sepulturis di epoche tarde antighe / alte medievâl.

La realizazion di un scandai di sgjâf, di 12 metris par 8, in corispondence dal futûr spazi pal assensôr, e je stade necessarie dopo vê individuât sot tiere elements impuartants dal pont di viste archeologjic, vignûts fûr cu lis indagjins gjeofisichis preliminârs fatis dal dot. Sandro Veronese. I lavôrs di sgjâf archeologjic a son puartâts indevant de dite Archeotest S.r.L. cu la direzion scientifique dal funzionari

archeologic Giorgia Musina de Sorintendence Archeologjie, bielîs arts e paisaç dal Friûl - Vignesie Julie.

E je une scuvierde in part inspietade, stant che la cime dal cucl dal Cjistiell e je stade pe plui part tocjate dai sgjâfs pe instalazion di grandis infrastruturis idrichis inte prime part dal secul passât.

La indagjin scomençade tal mêss passât e à permetût di discuvierzi, za de prime setemane, i rescj di un edifici di epoche rinassimentâl (secui XIV - XV), che no si san i siei limits esats, ma che a son stâts individuâts almancul cuatri ambients, e un di chescj al conserve segns di stabilidure blancje sui mûrs. Il stât di conservazion trist dal dipuesit archeologic, comprometût dai sgjâfs precedents pe instalazion dai servizis primaris, al fâs une vore problematiche la interpretazion des struturis. Di fat, des muraduris originariis si conservin dome lis fondazions altis 75-80 centimetris, fatis di pieris e di grancj claps tignûts dongje cu la malte.

Asl è invezit di une epoche precedente un pavement di tiere batude cuntune buse di lozament di un pâl di sostegn dal cuvier, ducj i doi che si riferissin cun probabilitât a une costruzion di materiâl deperibil.

Infin, tai ultims dôs, a son stadis metudis in lûs dôs sepulturis cence furniments, che lis antropolighis Luciana Travan e Paola Saccheri de Facoltât di Medisine de Universitât dal Friûl a àn scuvierde, dopo di un prin sorelûc, che a son di un om e di une femine avonde anzians.

La analisi preliminar dai reperts di ceramiche vignûts fûr de stratigrafie e date lis dôs sepulturis e il cjaset tra il secul V e il secul VIII d. di C.

Daûr des evidencis archeologjichis che a vegnin fûr, i lavôrs di preparazion dal assensôr a son une ocasion impuartante par verificâ lis carateristichis e il stât di conservazion dal dipuesit stratigrafic che si riferîs ai prins insediaments tal cucl dal Cjistiell di Udin.

Duncje e va indevant, de bande de Amministrazion Comunâl di Udin vuidade dal Sindic Pietro Fontanini, la opare di recupar e di valorizazion dal patrimoni culturâl, artistic e storic di Udin. Cun di fat l'intervent in ogjet al è part di un progjet ambiziôs indreçât a riscuvierzi la archeologjie urbane de citât e a ricostruî la evoluzion dal so sisteme insediatîf de epoche protostoriche al Rinassiment, midiant de colaborazion strente tra il Comun e la Sorintendence ABAP dal Friûl - Vignesie Julie.

Triest, 23/11/2021

Ufici Comunicazion e Promozion de Sorintendence Archeologjie, bielîs arts e paisaç dal Friûl - Vignesie Julie

sabap-fvg.comunicazionepromozione@beniculturali.it

+39 040 4527527

<http://www.sabap.fvg.beniculturali.it>; FB: @SABAP.FVG